



Bagi pihak Lembaga Pengarah, saya dengan sukacitanya membentangkan Laporan Tahunan dan Akaun Kumpulan bagi tahun berakhir 31 Disember 2006.

PERSEKITARAN OPERASI

Sepanjang tahun 2006, ekonomi Malaysia terus mencatatkan pertumbuhan mantap dengan peningkatan Keluaran Dalam Negara Kasar (KDNK) sebanyak 5.9% (2005: 5.3%). Berasaskan sentimen pengguna yang lebih kukuh dan keyakinan berterusan terhadap prospek perniagaan, sektor swasta sekali lagi menjadi penyumbang utama kepada pertumbuhan ekonomi, dipacu oleh pertumbuhan kukuh sektor perkhidmatan dan pertanian serta disokong oleh pemulihan sektor perlombongan dan pembinaan.

Pertumbuhan dalam sektor perkhidmatan didorong oleh kegiatan pembiayaan dan perniagaan, khususnya dalam bidang pertumbuhan baru, seperti yang dipaparkan oleh kepesatan subsektor pembiayaan, insurans, hartanah dan perkhidmatan perniagaan yang meningkat 7.1% pada 2006 (2005: 5.7%). Secara khususnya, kegiatan insurans kekal rancak dengan lebih banyak produk insurans perubatan dan kesihatan juga prestasi produk berkaitan pelaburan yang memberangsangkan.

Kerajaan Malaysia dan Bank Negara Malaysia (BNM) terus mengamalkan dasar makroekonomi yang mendorong pertumbuhan ekonomi dalam jangka panjang, dalam usaha menggalakkan persekitaran perniagaan yang positif. MAA Holdings Berhad sebagai sebuah kumpulan perkhidmatan kewangan bukan bank bersedia untuk memanfaatkan pembangunan ekonomi yang pesat hasil daripada rangsangan positif Kerajaan.

Penyata Pengerusi

(bersambung)



TINJAUAN PRESTASI

Pada tahun yang dilaporkan, jumlah hasil operasi Kumpulan meningkat sebanyak 3.17% kepada RM2.28 bilion (2005: RM2.21 bilion). Pendapatan premium kasar Bahagian Insurans Hayat meningkat secara marginal sebanyak 2.11% kepada RM1.45 bilion (2005: RM1.42 billion) sementara Bahagian Insurans Am mencatatkan kemerosotan kecil dalam jumlah premium kasar sebanyak 1.59% kepada RM452.64 juta (2005: RM459.96 juta).

Kumpulan mencatatkan keuntungan sebelum cukai lebih rendah berjumlah RM3.11 juta bagi tahun dilaporkan, berbanding keuntungan sebelum cukai RM41.13 juta pada 2005. Bahagian Insurans Hayat dan Bahagian Insurans Am masing-masing menyumbang keuntungan sebelum cukai RM34.32 juta (2005: RM20.23 juta) dan RM5.58 juta (2005: RM10.94 juta). Keuntungan lebih rendah bagi Bahagian Insurans Am dicatatkan terutamanya disebabkan nisbah tuntutan lebih tinggi dalam tahun dilaporkan dan peruntukan dibuat bagi pinjaman tak berbayar tertentu. Kerugian Dana Pemegang Saham dicatatkan terutamanya disebabkan peruntukan yang dibuat bagi pinjaman tidak berbayar anak syarikat bukan insurans yang terlibat dalam urusniaga kredit. Dalam tahun dilaporkan, Kumpulan telah melaksanakan polisi peruntukan yang ketat bagi mengawal segmen operasi ini.

Pada 2005, Dana Pemegang Saham menghasilkan pendapatan operasi lain lebih tinggi terutamanya kerana kenaikan besar dalam nilai saksama pelaburan ekuiti disebut harga di Sri Lanka yang dibuat oleh anak syarikat bukan insurans.

Pada tahun dilaporkan, nisbah tuntutan Bahagian Insurans Am naik daripada 59.02% pada 2005 kepada 70.87%. Peningkatan ini dicatatkan terutamanya kerana keputusan pihak pengurusan untuk meningkatkan aras keyakinan bagi rizab tuntutan yang ditanggung tetapi belum dilaporkan (IBNR) daripada 50.00% kepada 65.00% bagi anak syarikat insurans tempatan. Langkah peningkatan secara beransur-ansur dibuat sebagai persiapan untuk menerima pakai cadangan Bank Negara Malaysia untuk melaksanakan Rangka Modal Berasaskan Risiko pada 2009.

Pada 31 Disember 2006, aset Kumpulan berjumlah RM7.17 bilion, naik 9.47% berbanding RM6.55 bilion pada 2005.

TINJAUAN OPERASI PERNIAGAAN

Pada tahun yang dilaporkan, Kumpulan terus memberi tumpuan kepada empat bidang teras operasi, iaitu Operasi Insurans Hayat Malaysia, Operasi Insurans Am Malaysia, Operasi Unit Amanah Malaysia dan Operasi Antarabangsa. Butiran prestasi setiap operasi dilaporkan secara berasingan pada halaman seterusnya.

DIVIDEN

Bagi tahun berakhir 31 Disember 2006, Lembaga Pengarah telah mengesyorkan pembayaran dividen bebas cukai pertama dan terakhir sebanyak 2% (2005: 10%) sebagai ganjaran kepada semua pemegang saham atas sokongan dan keyakinan mereka terhadap Kumpulan.

Kumpulan akan terus berusaha mencapai keseimbangan sewajarnya yang mendukung matlamat memberi

pemegang saham pulangan tunai berterusan daripada dividen, sambil mengekalkan dana secukupnya untuk membuat pelaburan semula yang diperlukan bagi meningkatkan keuntungan dan nilai masa depan Kumpulan.

Perkembangan Mengenai Cadangan Korporat Terkini

Kumpulan dengan sukacitanya memaklumkan tentang perkembangan terkini yang berikut:

- (a) Pada 29 September 2004, MAAH telah mengumumkan satu cadangan korporat untuk membuat terbitan hak boleh ditolak sehingga 152.18 juta Saham Keutamaan Tidak Boleh Ditebus Baru bernilai RM1.00 sesaham (IPS) (IPS Hak) bersama 152.18 juta Saham Biasa boleh cerai percuma bernilai RM1 sesaham (Saham Biasa) (Saham Bonus) dan sehingga 152.18 juta Waran boleh cerai percuma (Waran) atas dasar satu (1) IPS Hak bersama satu (1) Saham Bonus boleh cerai percuma dan satu (1) Waran boleh cerai percuma untuk setiap satu (1) Saham Biasa sedia ada yang dipegang dalam syarikat pada tarikh kelayakan yang akan ditentukan kemudian (Terbitan Hak IPS). Terbitan Hak IPS telah diluluskan oleh pemegang saham Syarikat di Mesyuarat Agung Tahunan Luar Biasa yang diadakan pada 22 Februari 2005.

Memandangkan sentimen yang kurang menggalakkan melanda pasaran ekuiti Malaysia pada waktu itu, MAAH, dengan kelulusan Suruhanjaya Sekuriti (SC), telah melanjutkan tarikh akhir Terbitan Hak yang dicadangkan sebanyak dua

MAA sentiasa memberi anda layanan mesra.

kali, pertamanya dari 3 Jun 2005 ke 31 Disember 2005, dan seterusnya dari 1 Januari 2006 ke 30 Jun 2006. Pada 3 Mei 2006, MAAH mengumumkan bahawa selepas mengambil kira sentimen pasaran semasa dan prestasi saham biasa MAAH di pasaran, Kumpulan telah membuat keputusan membatalkan Terbitan Hak IPS yang dicadangkan.

Walaupun cadangan Terbitan Hak IPS dibatalkan, pada 3 Mei 2006 Lembaga Pengarah telah mengumumkan bahawa MAAH akan meneruskan Terbitan Bonus Dicadangkan, membabitkan sehingga 152.18 juta saham biasa baru bernilai RM1 sesaham sebagai berbayar penuh atas dasar satu (1) Saham Bonus bagi setiap satu (1) saham biasa sedia ada yang dipegang oleh pemegang saham berdaftar MAAH pada waktu penutup perniagaan pada tarikh kelayakan yang akan ditentukan dan diumumkan kemudian (Terbitan Bonus Dicadangkan).

Terbitan Bonus Dicadangkan akan dilaksanakan melalui kaedah permodalan sehingga RM152.18 juta daripada akaun berikut.

- (i) sehingga RM11.74 juta daripada akaun premium saham; dan
- (ii) sehingga RM140.44 juta daripada untung tertahan.

Terbitan Bonus Dicadangkan ini telah diluluskan oleh pemegang saham MAAH di Mesyuarat Agung Tahunan yang diadakan pada 21 Jun 2006.

Pada 19 Julai 2006, MAAH telah mengemukakan Permohonan bagi menyenaraikan saham biasa tambahan yang diterbitkan menerusi

Terbitan Bonus Dicadangkan itu kepada Bursa Malaysia Securities Berhad (Bursa Securities). Kelulusan Bursa diperolehi pada 1 Ogos 2006. Pada 9 Ogos 2006, MAAH mengumumkan 25 Ogos 2006 sebagai tarikh kelayakan Saham Bonus.

Seterusnya, sebanyak 152.18 juta saham biasa baru bernilai RM1 sesaham telah diumpukan pada 8 September 2006 di bawah Terbitan Bonus Dicadangkan.

- (b) Pada 4 Ogos 2006, MAAH mengumumkan Cadangan Pengeluaran Kertas Komersil (CP) dan/atau Program Nota Jangka Pertengahan (MTN) bernilai sehingga RM200 juta ("Program Dicadangkan").

Program Dicadangkan ini akan membabitkan penerbitan CP bertempoh antara satu (1) bulan hingga dua belas (12) bulan dan/atau MTN dengan tempoh lebih daripada satu (1) tahun tetapi tidak melebihi tujuh (7) tahun. Hasil kutipan daripada Program Dicadangkan itu akan digunakan untuk membiayai pelaburan MAAH dalam perniagaan Takaful, untuk membayar balik pinjaman bank MAAH dan anak syarikatnya yang sedia ada, untuk membiayai penebusan Bon Bersiri Kadar Tetap sedia ada bernilai RM120 juta yang matang pada 21 Ogos 2007, sebagai prapembiayaan bagi akaun rizab bayaran hutang yang diwujudkan untuk Program Dicadangkan ini dan untuk membiayai modal kerja MAAH.

Berasaskan prestasi kewangan stabil dan pengurusan rapi Kumpulan, Rating Agency Malaysia (RAM)

telah memberi MAAH penarafan jangka panjang A2 dan penarafan jangka pendek P1 bagi Program Dicadangkan.

Kelulusan bagi Program Dicadangkan diperolehi pada 28 Ogos 2006 daripada SC.


Pada 5 Disember 2006, MAAH mengemukakan permohonan kepada SC untuk membuat perubahan berikut kepada terma dan syarat utama Program Dicadangkan:

- (i) menjamin terbitan Program Dicadangkan dengan kemudahan jaminan bank daripada DBS Bank Ltd, Cawangan Labuan (DBS Bank) sehingga jumlah prinsipal agregat maksimum, bersamaan nilai RM200 juta dalam mata wang dolar Amerika Syarikat; dan
- (ii) menukar penggunaan hasil kutipan Program Dicadangkan, di mana antara lain, pelaburan MAAH dalam perniagaan Takaful akan dibiayai daripada dana yang dihasilkan sendiri.

Berbekalkan kekuatan jaminan bank daripada DBS Bank yang bertaraf AAA- dalam Program Dicadangkan itu, RAM telah memberikan penarafan AAA(bg) bagi terbitan Nota Jangka Pertengahan pertama bernilai sehingga RM200 juta dan bertempoh sehingga 5 tahun.

SC menerusi surat bertarikh 22 Disember 2006, telah meluluskan perubahan yang dinyatakan di atas.

Penyata Pengerusi (bersambung)



PERKEMBANGAN BARU PENTING

KEKUATAN JENAMA

TUMPUAN TERHADAP KUALITI

PELABURAN

Pada 8 Januari 2007, MAAH berjaya menerbitkan Nota Jangka Pertengahan dengan nilai nominal RM200 juta untuk tempoh sehingga 5 tahun.

PERKEMBANGAN BARU PENTING

(a) MAA Takaful Berhad

Pada 3 Mac 2006, MAAH mendapat kelulusan BNM bagi mendapatkan lesen Takaful baru untuk syarikat usaha sama antara MAAH dengan Solidarity Company BSC (C) (Solidarity), Bahrain.

Solidarity ialah sebuah syarikat yang ditubuhkan di bawah undang-undang dan peraturan Bahrain dan terlibat dalam perniagaan Takaful. Syarikat ini ditubuhkan sebagai tindak balas langsung untuk memenuhi permintaan yang semakin meningkat bagi produk Takaful di seluruh rantau Timur Tengah. Solidarity beroperasi dengan mematuhi sepenuhnya prinsip Syariah dan menyediakan pilihan lengkap produk Takaful Keluarga dan Am. Dengan aset modal berjumlah lebih US\$100 juta, Solidarity ialah syarikat insurans terbesar (dari segi modal berbayar) di Bahrain dan merupakan syarikat Takaful dengan modal paling besar di dunia.

Pada 21 Februari 2006, Perjanjian Usaha Sama telah ditandatangani dengan Solidarity untuk menubuhkan sebuah syarikat usaha sama bagi menjalankan perniagaan Takaful di Malaysia. Syarikat usaha sama tersebut mempunyai modal berbayar RM100 juta, dengan 75% kepentingan ekuiti MAAH dan 25% Solidarity.

Pada 2 Mei 2006, sebuah anak syarikat baru, MAA Takaful Berhad (MAA

Takaful) ditubuhkan dengan modal saham dibenarkan RM150,000,000 yang merangkumi 150,000,000 saham biasa bernilai RM1.00 sesaham, yang mana RM2.00 telah diterbitkan dan berbayar penuh.

Pada 16 November 2006, MAA Takaful telah mengemukakan permohonan kepada SC bagi menambahkan modal berbayar.

Menerusi surat bertarikh 15 Januari 2007, SC meluluskan permohonan tersebut.

Setakat ini, MAAH dan Solidarity telah meletakkan saham modal ekuiti mereka ke MAA Takaful.

Kumpulan telah menetapkan sasaran untuk memulakan operasi Takaful pada tiga suku tahun 2007.

Kumpulan yakin syarikat usaha sama Takaful ini akan pulang modal dalam beberapa tahun awal operasi dengan memanfaatkan rangkaian agensi MAA yang kukuh, di mana kira-kira 40% atau 7,000 daripada tenaga agensi hayatnya adalah ejen Bumiputera, di samping kelebihannya memiliki infrastruktur sedia ada yang akan membantu mencapai kos tetap yang rendah.

Akhir sekali, Kumpulan akan mengambil kesempatan daripada usaha sama Takaful dengan Solidarity sebagai landasan untuk menceburi pasaran global, khususnya bangsa Islam di Timur Tengah pada masa depan.

(b) Columbus Capital Pty Limited

Pada 13 September 2006, MAA International Investment Ltd (MAAII), anak syarikat milik penuh Kumpulan, telah mengambil alih sebuah syarikat

tidak beroperasi bernama Columbus Capital Singapore Pte Ltd (CCS), sebuah syarikat ditubuhkan di Singapura yang akan menjadi entiti tujuan khas bagi sebarang pelaburan syarikat pada masa depan.

Pada 22 September 2006, CCS memeterai perjanjian langganan bersyarat dengan Columbus Capital Pty Limited (CCAU) untuk melanggar sehingga 20.0 juta Saham Keutamaan Siri A pada harga terbitan AUD1.00 setiap satu, yang merangkumi 50% kepentingan ekuiti dalam CCPL untuk pertimbangan tunai berjumlah AUD20.0 juta atau bersamaan RM57.0 juta (Langganan Dicadangkan). Secara serentak, CCS bersama pengasas CCAU telah memeterai perjanjian pemegang saham untuk mengawal selia hak dan kewajipan masing-masing sebagai ahli CCAU. CCAU telah diperbadankan di Australia.

Langganan Dicadangkan itu pada asasnya membabitkan dua (2) peringkat:

- (i) Peringkat 1 - Langganan 15.0 juta Saham Keutamaan CCS pada harga terbitan AUD1.00 sesaham, yang mencakupi 42.86% dalam CCAU bagi jumlah pertimbangan tunai AUD15.0 juta, yang dijangka disempurnakan menjelang Oktober 2006;
- (ii) Peringkat 2 - Langganan sebanyak 5 juta Saham Keutamaan oleh pelabur atau CCS pada harga terbitan AUD1.00 sesaham, yang mencakupi 12.5% daripada kepentingan ekuiti diperluas dalam CCAU, untuk jumlah pertimbangan tunai AUD5.0 juta, yang akan diselesaikan pada atau sebelum 300 hari kalender



selepas selesai peringkat 1, yang ditetapkan buat sementara waktu untuk disempurnakan pada Ogos 2007.

Pertimbangan tunai sehingga AUD20.0 juta akan dijelaskan menerusi pinjaman bank dan/atau daripada dana dalam Kumpulan.

Langganan Dicadangkan akan membuka jalan bagi Kumpulan untuk meneroka perniagaan pinjaman gadai janji runcit dan pensurkitian pinjaman di Australia, sejajar dengan aspirasi Kumpulan untuk mempelbagaikan aliran pendapatannya.

Peringkat 1 Langganan Dicadangkan telah disempurnakan pada 6 Oktober 2006.

KEKUATAN JENAMA

Kumpulan akan meneruskan usaha membina kekuatan jenama untuk mengekalkan imej korporat teguh yang dibangunkan sehingga kini. Imej ini menjadi tunjang kekuatan dan menjadi tuggak yang memastikan pelanggan dan ejen terus setia.

Dalam pada itu, bangunan pejabat yang tersergam indah dan dimiliki sendiri di seluruh Malaysia, iklan televisyen, papan tandalebuhraya dan iklan media cetak, aktiviti perhubungan awam juga program kebaikan yang tersusun terus meyakinkan pelanggan dan ejen agar terus menaruh kepercayaan terhadap Kumpulan.

Cogan kata korporat kami sememangnya terkenal, "Katakan Ya kepada MAA. Katakan Ya Kepada Jaminan Kewangan Yang Teguh".

TUMPUAN TERHADAP KUALITI

Kumpulan juga berbangga untuk melaporkan bahawa operasi Insurans Malaysia telah mengekalkan status kualiti ISO 9001 sejak tujuh tahun lalu. Tumpuan berterusan dalam usaha menyenggarakan sistem IT dan proses dalaman yang rapi, latihan kakitangan dan program pendidikan, disokong oleh pelaksanaan program Six Sigma sejak 2005 dalam operasi Insurans Malaysia telah membantu memastikan bahawa pelanggan kami mendapatkan perkhidmatan yang terbaik. Hanya menerusi usaha tertumpu terhadap kualiti barulah Kumpulan dapat menjamin kejayaan pada masa depan.

PELABURAN

Berikut prestasi Bursa Saham Kuala Lumpur (BSKL) yang lebih baik sejak separuh kedua tahun, jumlah pendapatan pelaburan Kumpulan meningkat 68.32% kepada RM391.84 juta (2005: RM232.80 juta), selepas pengiraan semula peruntukan bagi pengurangan nilai pelaburan yang disebut harga berjumlah RM148.00 juta pada tahun dilaporkan (2005: peruntukan sebanyak RM90.96 juta dibuat bagi mengurangkan nilai pelaburan disebut harga). Pelaburan dalam sekuriti pendapatan tetap masih merangkumi sebahagian besar daripada portfolio pelaburan, iaitu 82.61% daripada jumlah pendapatan pelaburan.

Kumpulan akan meneruskan prinsip pelaburan konservatif yang menekankan pemeliharaan modal, keuntungan dan aliran pendapatan konsisten supaya nilainya terlindung daripada

ketidakstabilan pasaran. Pelaburan pendapatan tetap dijangka kekal sebagai aset portfolio teras, di mana bon korporat akan menjadi menjadi instrumen pilihan memandangkan hasilnya lebih tinggi berbanding deposit tetap dan tunai.

Sebagai langkah berdaya maju, kami akan mengkaji semula portfolio pelaburan dana Hayat tanpa penyertaan dan dana Am dengan mengurangkan pendedahan kepada portfolio ekuiti yang disebut harga untuk melindungi pendapatan Kumpulan daripada ketidakstabilan pasaran ekuiti. Namun begitu, Kumpulan akan terus meninjau dan menyemak semula strategi pelaburan untuk mengambil kesempatan daripada persekitaran ekonomi dan kewangan yang dijangka kukuh pada tahun-tahun akan datang.

TEKNOLOGI MAKLUMAT

Sejarah dengan Rancangan Strategi Teknologi Maklumat (IT) 5 tahun MAA yang dirumuskan pada 2005 dengan matlamat utama menyokong keperluan perniagaan masa depan, MAA berjaya melaksanakan beberapa sistem utama pada tahun yang dilaporkan:

(1) Sistem Jualan Pengurusan Konsultan (CMSS)

Sistem aplikasi ini memberi sokongan kepada konsultan Insurans Hayat dengan:

- menyediakan alat yang diperlukan dan laporan yang terkini untuk meningkatkan produktiviti para konsultan



- meningkatkan kualiti perkhidmatan kepada pelanggan dan menjalin hubungan yang lebih rapat dengan pelanggan
- menyediakan komunikasi berhadapan dalam talian dengan MAA

(2) Sistem e-Tuntutan Hayat

Sistem berasaskan aliran kerja ini meringkaskan kerja manual menggunakan pemprosesan berkomputer dengan:

- mengurangkan pencarian dokumen secara manual yang memakan masa
- menjelak status fail tuntutan
- menyediakan kemudahan kelulusan berhadapan dalam talian untuk masa pusing ganti pemprosesan yang pantas

(3) Sistem Insurans Am Baru Fasa 2

Sistem ini dilaksana berasaskan "tumpuan terhadap pelanggan" menggunakan proses berkomputer sepenuhnya untuk meningkatkan keupayaan pengawasan dan laporan.

(4) Pencetakan Polisi Motor Dalam Talian

Pencetakan polisi motor dalam talian membolehkan ejen yang mempunyai sambungan dalam talian untuk mengeluarkan nota lindung motor elektronik dan mencetak polisi motor dengan serta-merta.

PENILAIAN PERNIAGAAN INSURANS MALAYSIA

Seperti tahun-tahun lepas, Kumpulan telah melantik aktuari luar untuk mengira Nilai Taksiran bagi Perniagaan Insurans Hayat Malaysia, menggunakan teknik penilaian sama yang digunakan di peringkat antarabangsa untuk menilai perniagaan insurans hayat. Nilai Taksiran ialah aliran tunai keuntungan terdiskaun kepada pemegang saham, daripada polisi yang dijual pada masa lepas (nilai terbenam) dan daripada jualan polisi masa depan (nilai terstruktur).

Berasaskan Nilai Taksiran, seperti yang dibentangkan pada muka surat 41 hingga 44, portfolio insurans hayat Malaysia diberikan tiga (3) nilai, berdasarkan andaian senario pertumbuhan masa depan, iaitu RM2.09 bilion, RM2.63 bilion dan RM3.37 bilion.

Jika seseorang menilai perniagaan insurans am Malaysia pada 85% pendapatan premium kasar berjumlah RM413.10 juta pada tahun 2006, maka nilai Bahagian ini adalah RM351 juta.

Bahagian Insurans Hayat dan Am kemudiannya dinilai pada RM3.73 bilion (Nilai Penuh), RM2.99 bilion (Nilai Pertengahan) dan RM2.45 bilion (Penilaian Rendah).

Lembaga Pengarah sentiasa memantau penilaian ini bagi operasi insurans Malaysia kerana perangkaannya boleh digunakan sebagai asas bagi rundingan penggabungan atau pemerolehan masa depan.

Harus diingat bahawa jika MAAH dinilai pada penilaian yang sama dengan operasi insurans Malaysia, nilai harga saham Kumpulan adalah jauh lebih tinggi daripada harga semasa RM1.76 sesaham pada 31 Disember 2006. Jika Dana Pemegang saham akhir tahun MAAH yang bernilai RM368.3 juta turut diambil kira, harga saham Kumpulan ialah RM13.47 sesaham (Penilaian Penuh), RM11.03 sesaham (Penilaian Pertengahan) dan RM9.26 sesaham (Penilaian Rendah).

TANGGUNGJAWAB SOSIAL KORPORAT

Kumpulan juga terus berpegang kukuh kepada iltizamnya untuk menjadi warga korporat yang prihatin dan bertanggungjawab. Untuk itu, Kumpulan telah menubuhkan Dana Amal Buah Pinggang MAA-MediCare sejak 1994, dengan matlamat menyediakan rawatan dialisis buah pinggang pada kos lebih rendah dan telah menaungi Yayasan Kebajikan Budimas pada 2002 dengan matlamat menjaga kebajikan kanak-kanak kurang bernasib baik dan golongan miskin.

Pelbagai aktiviti yang dianjurkan oleh Dana Amal Buah Pinggang MAA-Medicare dan Yayasan Kebajikan Budimas dalam tahun yang dilaporkan dipaparkan secara berasingan pada halaman yang dilampirkan.



PENILAIAN PERNIAGAAN INSURANS MALAYSIA



PROSPEK

PENGIFTIRAFAN DAN PENGHARGAAN

PROSPEK

Laporan Tahunan BNM 2006 menyatakan bahawa ekonomi Malaysia dijangka tetap menggalakkan pada 2007 berasaskan permintaan dalam negara yang teguh dan pertumbuhan pesat aktiviti pelaburan, walaupun dalam keadaan ekonomi global yang agak sederhana. Pelaksanaan projek Rancangan Malaysia Kesembilan yang bermula pada suku keempat 2006 menyokong keyakinan BNM.

Kumpulan meramalkan bahawa tahun 2007 lebih mencabar dalam suasana persaingan lebih sengit dan proses liberalisasi industri perkhidmatan kewangan Malaysia, sejarar dengan pelaksanaan Rancangan Induk Sektor Kewangan oleh BNM.

Kumpulan mengambil kira segala cabaran yang bakal dihadapi dan akan meneruskan inisiatif untuk melabur dalam teknologi terbaru bagi meningkatkan lagi kecekapan operasi, mengukuhkan sistem pengedaran, sumber manusia dan pembangunan agensi dan menghasilkan produk inovatif untuk meningkatkan lagi kualiti perkhidmatan kepada pelanggan.

Kumpulan yakin bahawa dengan rangkaian cawangan luas, produk dan perkhidmatan inovatif, saluran pengedaran kukuh menerusi khidmat agensi dan banksurans dan akhir sekali berlandaskan jenama MAA yang teguh, Kumpulan bersedia untuk menghadapi cabaran mendatang dan mencatat keputusan lebih baik pada tahun-tahun akan datang.

PENGIFTIRAFAN DAN PENGHARGAAN

Bagi pihak Lembaga Pengarah, saya ingin menyampaikan ucapan terima kasih kepada pasukan pengurusan dan kakitangan di atas komitmen, dedikasi dan sumbangan mereka dalam menjamin pertumbuhan dan kejayaan berterusan Kumpulan.

Saya juga ingin mengambil kesempatan ini untuk merakamkan penghargaan kepada pihak berkuasa kawal selia di atas segala panduan dan sokongan; juga ucapan terima kasih kepada para pelanggan, ejen, sekutu perniagaan dan pemegang saham yang dihargai di atas sokongan berterusan, keyakinan dan kepercayaan yang diberikan kepada kami.

Akhir sekali, saya ingin mengucapkan terima kasih kepada ahli Lembaga Pengarah atas panduan dan sumbangan mereka kepada Kumpulan.

TUNKU TAN SRI ABDULLAH IBNI ALMARHUM TUANKU ABDUL RAHMAN
Pengerusi